

behalten etc.

UND Mose sprach / Das ist / das der HERR geboten hat / Fülle ein Gomor davon / zu behalten auff ewr Nachkomen / Auff das man sehe das Brot / da mit ich euch gespeiset habe in der wüsten / da ich euch aus Egyptenlande fürete. Und Mose sprach zu Aaron / Nim ein Krüglin / vnd thu ein Gomor vol Man drein / vnd las es für dem HERRN zu behalten auff ewre Nachkomen / wie der HERR Mose geboten hat / Also lies es Aaron daselbs für dem Zeugnis zu behalten.

Israel hat 40. jar Man gessen Josu. 5. Gomor.

UND die kinder Israel assen Man vierzig jar / bis das sie zu dem Lande kamen / da sie wonen solten / Bis an die grenze des lands Canaan assen sie Man. Ein Gomor aber / ist das zehende teil eins Epha.

(Zeugnis) Das ist / An dem ort / da man opffert vnd betet / vnd der Predigtuel war / ehe die Hüten waren gemacht.

XVII.



Israel murrete das nicht wasser hat etc. Num. 20.

UND die ganze gemeine der kinder Israel / zoch aus der wüsten Sin / ire Tagereise / wie inen der HERR befahl / vnd lagerten sich in Raphidim / Da hatte das Volck kein wasser zu trincken. Vnd sie zancckten mit Mose / vnd sprachen / Gebt vns wasser / das wir trincken. Mose sprach zu inen / Was zanccket jr mit mir? Warumb versucht jr den HERRN? Da aber das volck daselbs dürstet nach wasser / murreten sie wider Mose / vnd sprachen / Warumb hastu vns lassen aus Egypten ziehen / das du vns / vnser Kinder / vnd vich / durst sterben lieffest?

Raphidim

Zancckten

Mose schrey zum HERRN / vnd sprach / Wie sol ich mit dem Volck thun? Es feilet nicht weit / sie werden mich noch steinigen. Der HERR sprach zu im / Gehe vorhin für dem volck / vnd nim etliche Eltesten von Israel mit dir / vnd nim deinen Stab in deine hand / da mit du das wasser schlugest / vnd gehe hin / Sihe / Ich wil daselbs stehen für dir auff einem Fels in Horeb / da soltu den Fels schlagen / so wird wasser er aus lauffen / das das Volck trincke. Mose thet also für den Eltesten von Israel / Da hies man den ort / Massa vnd Meriba / vmb des Zanccks willen der kinder Israel / Vnd das sie den HERRN versucht vnd gesagt hatten / Ist der HERR vnter vns oder nicht.

Num. 20. Psal. 78. 95. 1. Cor. 10.

(Massa) Heisse versuchung (Meriba) Heisse zancck.

AMALEK streit wider Israel / vnd wird geschlagen etc.

DA kam Amalek / vnd streit wider Israel in Raphidim. Vnd Mose sprach zu Josua / Erwele vns Menner / zench aus vnd streit wider Amalek / Morgen wil ich auff des hügels spizen stehen / vnd den Stab Gottes in meiner hand haben. Vnd Josua thet wie Mose im saget / das er wider Amalek stritte. Mose aber vnd Aaron vnd Hur giengen auff die spizen des hügels / Vnd die weil Mose seine hende empor hielt / siegte Israel / Wenn er aber seine hende nider lies / siegte Amalek. Aber die hende Mose waren schwer / darumb namen sie einen Stein / vnd legten in vnter in / das er sich drauff satz. Aaron aber vnd Hur vnterhielten in seine hende / auff iglicher seiten einer / Also blieben seine hende steiff / bis die Sonne vntergiang. Vnd Josua dempffet den Amalek vnd sein volck / durch des schwerts scherpffe.

Mose Hende schwer.

Num. 24. 3. Reg. 15.

UND der HERR sprach zu Mose / Schreibe das zum gedechtnis in ein Buch / vnd besilhs in die ohren Josua / Denn ich wil den Amalek vnter dem Himmel austilgen / das man sein nicht mehr gedencke. Vnd Mose barwet einen Altar / vnd hies in / der HERR / Vissi / Denn er sprach / Es ist ein Malzeichen bey dem Stuel des HERRN / das der HERR streiten wird wider Amalek von Kind zu Kindskind.

(Vissi) Das heisse / mota Paat.

XVIII.

UND